

歷代帝王曆祚考卷之四

新安吳繼安康侯甫編輯

吳明春伯生甫攷正

孫用之爾行甫校閱

○漢

始高祖乙未終獻帝建安二十五年庚子共
十八世二十四帝凡四百二十六年然建安
二十五年卽魏黃初元年

西漢

始高祖乙未入關滅秦為漢王已亥滅楚即
帝位終淮陽王甲申十二帝并呂后孺子莽
玄共二百三十年光武中興

太祖高皇帝姓劉名邦字季沛豐人帝堯之裔
父太公兄仲始高祖起於泗上亭長乙未入
關滅秦即漢王位五年已亥二月滅楚即皇
帝位以火德王都長安在位八年共十二年
子八長齊悼惠王肥微時外婦所生次惠帝
淮南厲王長趙隱王如意文帝趙共王恢趙

幽王友燕靈王建女一魯元公主又尊父太
公為太上皇封兄喜為燕王喜子濞為吳王
弟交為楚王從弟賈為荆王澤為燕王禮謚
法無高以為功最高而為漢帝之太祖故特
起名焉葬長陵

孝惠皇帝名盈高帝次子丁未冬十月即位恩
敬寬仁遭呂后虧損至德在位七年無子呂
后取他人子養之宮中立為少帝及恒山王
弘淮南王濟川王皆非惠帝之後謚法柔質

慈民曰惠葬安陵漢取孝子善繼志述事之
義故孝惠以下皆稱孝

高皇后呂氏名雉惠帝崩甲寅臨朝稱制內
一行不正分王諸呂幾危劉氏在位八年婦人
居尊位自呂后始

太宗孝文皇帝名恒高帝第五子初封代王呂
后崩大臣誅諸呂迎入長安壬戌卽皇帝位
在位十六年又改元在位七年共二十三年
遺詔短喪薄葬子四景帝梁懷王揖梁孝王

武代孝王參女一館陶長公主嫖謚法慈惠
愛人曰文葬霸陵

孝景皇帝名啓文帝長子乙酉冬十月卽位七
年改中元六年又改後元三年共在位十六
年時吳王濞膠西王卬楚王戊趙王遂濟南
王辟光菑川王賢膠東王雄渠七國反遣大
將軍竇嬰太尉周亞夫討平之子十四河間
獻王德臨江哀王闕魯共王餘江都易王非
趙敬肅王彭祖長沙定王發膠西于王端中

山靖王勝臨江閔王榮初立爲太子後以過見廢武帝廣川惠王越膠東康王寄清河哀王乘常山憲王舜女三平陽公主南宮公主隆慮公主謚法布義行剛曰景葬陽陵

世宗孝武皇帝名徹景帝第十子初封膠東王七歲立爲太子辛丑冬十月卽位改元建元改元稱號自此始共改元十一建元六元光六元朔六元狩六元鼎六元封六太初四又天漢四太始四征和四後元二在位五十四

年子六戾太子據齊懷王閔燕刺王旦廣陵厲王胥昌邑哀王髡昭帝女三鄂邑蓋長公主諸邑公主陽石公主謚法威彊睿德曰武葬茂陵

孝昭皇帝名弗陵武帝第六子趙婕妤所生武帝巡河間望氣者言此有奇女亟使召之至女兩手皆拳上自披之手卽時伸號拳夫人得幸居鉤弋宮妊身十四月乃生上命其門爲堯母門後衛太子死昭帝方八歲立爲太

子乙未卽位改元者三元始六元鳳六元平
一在位十三年無子謚法聖聞周達曰昭葬
平陵

中宗孝宣皇帝名詢初名病已武帝曾孫戾太
子孫也父史皇孫以巫蠱事與太子皆遇害
帝生數月亦收繫獄丙吉爲廷尉監憐而乳
養之後望氣者言獄中有天子氣武帝使人
欲盡殺獄中人吉拒之得免武帝崩後昌邑
王賀淫亂無道霍光廢之而立帝戊申卽位

改元者有七本始四地節四元康四神爵四
五鳳四甘露四黃龍一在位二十五年子五
元帝淮陽憲王欽楚孝王囂東平思王宇中
山哀王竟謚法聖善周聞曰宣葬杜陵

孝元皇帝名奭宣帝長子共哀后許氏微時所
生癸酉卽位改元者四初元五末光五建昭
五竟寧一在位十六年子三成帝定陶共王
康中山孝王興女二平都公主平陽公主謚
法行義悅民曰元葬渭陵

孝成皇帝名騫元帝長子己丑卽位改元者七
建始四河平四陽朔四鴻嘉四永始四元延
四綏和二在位二十六年委政王氏湛於酒
色溺愛趙后姐妹殺子以從其欲卒以暴崩
絕嗣謚法安民立政曰成葬延陵

孝哀皇帝名欣元帝庶孫定陶共王之子成帝
立以爲太子乙卯卽位追尊父定陶共王爲
恭皇尊嫡祖母王太后爲太皇太后居長信
宮祖母傅太后爲恭皇太后居永信宮毋丁
姬爲恭皇后居中安宮改元者二建平四年
元壽二年共在位六年昵幸董賢痿痺無嗣
謚法恭仁短折曰哀葬義陵

孝平皇帝名衍元帝庶孫中山孝王興之子哀
帝崩無子迎立之辛酉卽位年九歲太皇太
后臨朝大司馬莽秉政改元元始在位五年
尊帝母衛姬爲中山王后莽以呂寬事誅滅
之又立其女爲帝后自封爲安漢公加九錫
帝寢壯莽恐因臘日上椒酒酖弑之謚法布

綱治紀曰平葬康陵

孺子名嬰宣帝玄孫楚王囂生廣威侯助助生顯顯生嬰方二歲王莽立之丙寅卽位莽負辰以朝稱假皇帝改元居攝二年又改初始一年共三年莽遂卽真篡位廢嬰爲定安公置四壁中及長不識牛馬後莽誅平陵方望等立嬰更始遣李松擊殺之

新王莽元帝后王氏弟曼之子初封新都侯弒平帝廢孺子篡漢自立改國號曰新己巳

冬十二月卽皇帝位改元者三始建國五天鳳六地皇三共十四年行周官井田尊符命信讒諂漢兵四起攻入長安東海人公賓就斬莽首於漸臺衆共分而鬻之

淮陽王名玄字聖公高祖九世孫出自景帝第六子長沙定王發生春陵節侯買買生長子戴侯熊渠熊渠生利利生子張子張生玄平林諸將起兵利其暗懦立之癸未入長安誅莽卽位改元更始在位二年終

甲申為赤眉賊所殺

東漢

始光武建武元年乙酉即皇帝位終獻帝建安二十五年庚子十二帝凡一百九十六年為魏所篡

世祖光武皇帝名秀字文叔高祖九世孫出自景帝第六子長沙定王發生春陵節侯買買生次子鬱林太守外外生鉅鹿都尉回回生南頓令欽欽生光武與兄續新地皇三年宛

人李通以圖讖說光武起兵於宛與新市平林兵合攻入長安誅王莽癸未更始立殺兄續乃拜光武為蕭王經略河北削平諸盜乙酉春正月即皇帝位漢室中興以火德王都洛陽建元建武三十一年改中元二年共在位三十三年子十一東海恭王疆初為太子沛獻王輔楚王英明帝濟南安王康東平獻王蒼阜陵質王延廣陵思王荆臨淮懷公衡中山簡王焉琅琊孝王京女五武陰長公主

涅陽公主館陶公主紅夫洧陽公主酈邑公主又追封其兄續為齊武王兄子興為北海王女弟為湖陽寧平公主謚法能紹前業曰光克定禍亂曰武葬原陵

顯宗孝明皇帝名莊光武第四子初封東海王十歲能通春秋戊午卽位改元永平在位十八年子九千乘哀王建陳敬王羨彭城靖王恭樂城靖王黨章帝下邳惠王衍梁節王暢淮陽頃王昞濟陰悼王長女十一獲嘉長公

主平陽公主奴隆慮公主迎平氏公主沁水公主平臯公主浚儀公主武安公主魯陽公主樂平公主成安公主謚法照臨四方曰明葬顯節陵

肅宗孝章皇帝名烜明帝第五子丙子八月卽位改元者三建初八元和三章和二在位十三年子八千乘貞王伉平春悼王全清河孝王王慶初為太子和帝濟北惠王壽河間孝王開城陽懷王淑廣宗殤王萬歲女三武德長

公主平邑公主陰安公主謚法溫克令儀曰
章葬敬陵

孝和皇帝名肇章帝第四子己丑卽位年十歲
竇太后臨朝改元者二永元十六元興一在
位十七年子二長平原懷王勝素被痼疾次
殤帝女四脩武長公主共邑公主臨潁公主
聞喜公主謚法不剛不柔曰和葬順陵

孝殤皇帝名隆和帝少子丙午卽位生纔百餘
日鄧太后臨朝改元延平在位八月崩謚法
短折不成曰殤葬康陵

孝安皇帝名祐章帝孫清河王慶之子鄧太后
迎立之丁未卽位年十三太后猶臨朝改元
者五永初七元初六永寧一建光一延光四
在位十九年車駕幸宛崩於乘輿子一順帝
謚法寬容和平曰安葬恭陵

北鄉侯名懿章帝孫濟北惠王壽之子閻后
與兄閻顯立之卽位二百七十二日崩
孝順皇帝名保安帝太子母李氏爲閻后所害

延光三年譖廢太子爲濟陰王安帝崩不得
上殿臨梓宮悲號不食羣僚哀之及閭后所
立北鄉侯薨秘不發喪更欲徵諸王子乃閉
宮門屯兵自守中黃門孫程等十九人夜斬
京安等迎濟陰王立之斬閭顯遷太后丙寅
卽位改元者五末建六陽嘉四永和六漢安
二建康一在位十九年封孫程等十九人爲
侯又聽以養子爲後世襲漢中常侍之禍自
此始子一冲帝女三舞陽長公主冠軍長公

主汝陽長公主謚法慈和徧服曰順葬憲陵
孝冲皇帝名炳順帝太子建康元年八月卽位
年二歲梁太后臨朝乙酉改元永嘉正月崩
在位六月謚法幼少在位曰冲葬懷陵

孝質皇帝名續章帝玄孫千乘貞王伉之後伉
生安樂夷王寵寵生渤海孝王鴻鴻生續末
嘉元年正月冲帝崩梁太后與兄梁冀迎立
之八歲卽位太后臨朝明年丙戌改元本初
在位二年帝聰慧因朝會目梁冀爲跋扈將

軍冀進毒於煇餅以進帝苦煩索水不得而崩謚法忠正無邪曰質葬靜陵

孝桓皇帝名志章帝曾孫祖父河間王開父蠡吾侯翼本初元年六月質帝崩后與冀迎帝立之十五歲卽位太后猶臨朝明年丁亥改元追尊祖爲孝穆皇父爲孝崇皇改元者七

建和三和平一元嘉二永興二永壽三延禧

九永康一在位二十一年延禧二年太后崩

誅梁冀永康元年十一月帝崩無子女三陽

安長公主潁陰長公主陽翟長公主謚法克敵服遠曰桓葬宣陵

孝靈皇帝名宏章帝玄孫曾祖河間孝王開祖解都亭侯淑父萇世襲桓帝無子太后與父竇武迎立之年十二歲戊申正月卽位追尊祖爲孝元皇父爲孝仁皇改元者四建寧四熹平六光和六中平六在位二十二年子二少帝獻帝女一萬年公主謚法亂而不損曰靈葬文陵

少帝名辯靈帝太子中平六年己巳四月靈
帝崩少帝年十七卽位改元光熹中常侍
張讓等殺大將軍何進袁術袁紹燒宮闕
誅讓等讓劫少帝陳留王走小平津讓等
投河死車駕還宮改元昭寧在位六月董
卓廢少帝爲弘農王

孝獻皇帝名協靈帝次子初封陳留王九歲董
卓立之己巳九月卽位改元永漢詔除光熹
昭寧永漢三號還復中平六年明年庚午爲

改元之始改元者三初平四興平二建安二
十五在位三十一年董卓遷都長安曹操遷
都許建安二十五年庚子九月爲曹丕所篡
封帝爲山陽公謚法聰明睿知曰獻蜀謚帝
曰愍葬禪陵漢亡
謹按漢自高祖乙未滅秦至元順帝至正
丁未共計一千五百七十三年

漢僭位改元諸人

劉盆子太山式人陽城景王章之後祖父憲

爲式侯父萌嗣位莽時國除長兄恭次兄
茂與盆子俱掠在赤眉軍中齊巫祠景王
狂言怒人爲賊笑者輒病天鳳三年乃立
盆子爲帝十五歲卽位改元建世攻入長
安殺更始焚掠而東僭位一年至宜陽降
光武以爲趙王卽中後病失明賜滎陽地
稅食終身

王昌一名卽趙國邯鄲人工星卜常云河北
有天子氣詐稱已乃成帝子真子興更始
元年趙國大豪李育劉林等信之聚衆入
邯鄲卽卽爲天子移檄遠近莫不響應僭
位五月光武攻邯鄲卽戰敗夜走光武使
人追斬之

李憲潁川許昌人莽時爲廬江屬令莽敗據
郡自守更始元年自稱淮南王建武三年
自立爲天子置公卿百官僭位六年光武
遣馬成擊斬之

劉永睢陽人梁孝王八世孫父立與平帝母

歷代通鑑輯覽 卷之四
衛氏交通爲莽所誅更始卽位未急走長
安紹封梁王據國起兵自稱天子專據東
方建武二年光武使蓋延攻之未敗走其
將慶吾斬未首降子紆復自爲梁王二年
紆復戰敗奔董憲憲敗紆爲軍士高扈斬
首降於光武

張步字文公琅琊不其人更始元年聚衆
數千攻下數城遂據本郡劉永拜爲輔漢
大將軍建武三年光武遣伏隆拜步東萊

太守劉永聞隆至先立步爲齊王步遂不
受命未死子紆立步乃立其將費邑爲濟
南王光武遣耿弇伐之斬費邑步急遂斬
蘇茂首降後復叛逃陳俊追擊斬之

董憲東海人更始元年起兵據郡劉永拜
爲翼漢大將軍三年又立爲海西王永死
光武伐之憲戰敗與龐萌走保胸夜奔吳
漢校尉追斬之於方輿

龐萌山陽人初亡命在下江兵中更始立

爲冀州牧後降光武爲平狄將軍與蓋延擊董憲詔書獨下延而不及萌疑延譖已遂與憲連和自號東平王光武遣吳漢討之一年破之方與人黔陵斬萌首詣洛陽彭寵字伯通南陽宛人少爲郡吏光武拜爲漁陽太守建武三年負功失望與朱浮不相能遂據薊州反自稱爲燕王僭位三年其奴子密縛寵令作記出城取馬六匹裝金玉衣物斬寵首來降封爲不義侯

盧芳字君期安定三水人居左谷中王莽時詐自稱爲武帝曾孫劉文伯與羌胡起兵更始徵爲騎都尉使鎮撫安定以西更始敗自立爲西平王與匈奴和親匈奴立爲漢帝僭位十二年其將隨昱脅芳降芳遂奔入匈奴十八年復降封爲代王歲餘有詔止其入朝復叛入匈奴中十餘年死隗囂字季孟天水成紀人更始時起兵立漢宗廟祀盟移檄攻元漢復自號白虎將軍

安定隴西皆下之更始二年以爲御史大夫更始敗欲殺之亡歸天水建武二年有功拜爲西州大將軍上書詣闕遣子恂入侍僭位六年徵使討蜀囂持兩端光武討之遂降於公孫述封爲寧朔王光武親征之凡三年囂憤恚而死諸將王元等立少子純爲王明年來歙等尋攻降之

公孫述字子陽扶風茂陵人王莽時爲導江卒正卽蜀郡太守也更始立詐稱漢假已

輔漢將軍攻據成都二年自立爲蜀王建武元年四月遂自立爲天子號成家改元龍興蓋有益州之地僭位十二年光武遣吳漢攻滅之

秦豐黎丘人更始時據黎丘自號楚黎王僭位三年光武遣岑彭攻破之奔蜀四年降斬之

延岑字叔牙南陽人始據漢中又擁兵關西所在破散走至南陽略有數縣與秦豐

合豐以女妻之豐敗降於述述以岑爲大
司馬封汝寧王述敗死岑降於吳漢漢族
滅之

田戎汝南人初起兵夷陵轉寇郡縣衆數
萬人秦豐亦以女妻之豐敗降於述述封
爲翼江王後述使將兵下江關戰敗走保
江州降於漢

袁術字公路司空逢子紹之從弟以俠氣聞
爲虎賁中郎將卓廢少帝術奔南陽遂據
其郡僭號稱仲家都壽春僭位二年糧盡
衆散敗奔於青州發病道死

○三國

蜀漢

始昭烈帝章武元年辛丑終後主炎興元年
癸未凡四十三年魏司馬昭滅之

昭烈皇帝姓劉名備字玄德涿郡人漢景帝子
中山靖王勝之後勝子貞坐酎金失侯因家
焉祖雄舉孝廉官至東郡范令父弘蚤死獨

與母販屨織席為業不喜讀書好交結豪俠
黃巾賊起有功除安喜尉後為徐豫二州牧
二十四年即漢中王位庚子十月曹丕篡漢
明年辛丑昭烈乃即皇帝位號曰後漢承漢
火德以土德王都成都建元章武在位三年
癸卯夏四月崩於永安子三後主甘陵王末
安平王理謚法明德有勞曰昭有功安民曰
烈葬惠陵

後主名禪昭烈帝子章武三年癸卯夏五月即

位改元者有四建興十五延熙二十景耀五
炎興一在位四十一年未踰年而改元自後
主始子七太子璿安定王瑤西河王琮新平
王瓚北地王諶新興王詢上黨王璩四十一
年癸未冬十月魏鄧艾伐蜀自陰平入成都
後主使譙周奉表出降北地王自殺魏封後
主為安樂公太始七年薨於洛陽蜀漢亡

魏

始文帝黃初元年庚子篡漢即帝位終元帝

咸熙二年乙酉五主凡四十六年晉司馬炎
滅之然咸熙二年卽晉太始元年

文皇帝姓曹名丕武帝太子沛國譙人漢相國
參之後桓帝世曹騰爲中常侍封費亭侯養
子嵩莫知生出本末或曰夏侯氏之子嵩生
操小字阿瞞字孟德機警任俠才武絕人靈
帝時爲典軍校尉卓亂起兵討卓後迎天子
都許昌挾以令諸侯自爲大將軍進位丞相
封魏公加九錫後又進爵爲王二十五年

子薨於洛陽年六十六歲葬高陵太子丕嗣
魏王位改元延康冬十月遂受漢禪卽皇帝
位建元黃初承漢火德以土德王都洛陽在
位七年追尊父操爲太祖武皇帝兄弟二十
四人俱封王任城威王彰陳思王植蕭懷王
熊豐愍王昂相殤王鑠鄧哀王冲彭城王據
燕王宇沛穆王林中山恭王袞濟陽懷王玟
陳畱恭王峻范陽愍王矩趙王幹臨邑殤公
子上楚王彪剛殤公子勤穀城殤公子乘郟

戴公子整靈殤公子京樊安公均廣宗殤公
子棘東平靈王徽樂靈王茂文帝子九人明
帝贊哀王協北海悼王彘東武陽懷王鑿東
海定王霖元城哀王禮邯鄲懷王邕清河悼
王貢廣平哀王儼黃初七年五月帝崩年四
十歲葬首陽陵

明皇帝名叡文帝太子丁未卽位改元三太和
六青龍四景初三在位十三年葬高平陵皇
子殷蚤夭封安平哀王養子二齊王芳八歲

秦王詢九歲立芳爲太子屬司馬懿曹爽輔
政

齊王名芳明帝無子養芳爲太子宫省事秘莫
知所由或曰任城王楷子庚申卽位改元者
二正始九嘉平五在位十四年時年二十三
淫戲無道司馬師廢之復爲齊王

高貴鄉公名髦文帝孫東海定王霖子初封鄉
縣高貴鄉公少好學夙成齊王廢太后迎而
立之甲戌卽位改元者二正元二甘露四在

位六年帝年二十念司馬昭專權甘露五年夏五月自率殿中左右討之賈充使成濟抽戈刺帝刃出於背隕車死南闕下

元皇帝名奐初名璜燕王宇子封常道鄉公司馬昭迎而立之庚辰卽位改元者二景元四馬昭迎而立之庚辰卽位改元者二景元四咸熙二在位六年景元四年滅蜀咸熙二年乙酉十二月晉司馬炎篡位廢爲陳畱王時年十八卽宮於鄴後追謚曰元魏亡

吳

始大帝壬寅建元己酉卽帝位終烏程侯天紀四年庚子四主凡五十九年共在帝位凡五十二年晉武帝滅之

大帝姓孫名權字仲謀吳郡富春人孫武之後父堅少爲縣吏以討黃巾賊爲吳司馬封烏程侯後起兵討卓爲破虜將軍初平三年討劉表爲表將黃祖暗射殺之時年三十七五子策權翊匡少子朗策年方十餘歲就舅吳景於丹陽從袁術借兵遂復江東封討逆將

軍吳侯建安五年年二十六單騎出遊爲許
貢客擊傷卒大帝時年十六爲討虜將軍領
會稽太守削平僭竊據有江東建安二十五
年庚子曹丕篡漢辛丑劉先主卽帝位壬寅
大帝遂卽吳王位建元黃武七年巳酉卽皇
帝位與魏蜀三分鼎王改元黃龍三嘉禾六
赤烏十三大元一在位二十三年共前三十
年追尊父堅爲武烈皇帝兄策爲長沙桓王
姊爲全公主子七女三太子登蚤卒建昌侯

慮南陽王和初爲太子魯王霸齊王奮景帝
休會稽王亮

會稽王名亮大帝少子壬申卽位改元者有三
建興二五鳳二太平二在位六年年十六爲
孫綝所廢復黜爲會稽王

景皇帝名休大帝第六子初封琅琊王孫綝旣
廢亮迎休立之戊寅卽位改元永安在位六
年七月崩子四太子翬後封豫章王汝南王
冀梁王磧陳王寇

烏程侯名皓南陽王和子大帝孫初字彭祖受
封烏程侯景帝崩蜀亡吳人欲立長君迎皓
立之甲申八月卽位改元者八元興一甘露
一寶鼎三建衡三鳳凰三天冊一天璽一又
天紀四在位一十七年徙都武昌荒淫暴虐
太康元年庚子五月晉伐之出降封爲歸命
侯五年死於洛陽吳亡

謹按三國起庚子至元順帝至正丁未共
計一千一百四十八年
四卷終

歷代帝王曆考卷之五

新安吳繼安康侯甫編輯

吳明春伯生甫攷正

孫用之爾行甫校閱

○晉

始武帝太始元年乙酉終恭帝元熙二年庚
申共十二世十五帝凡一百五十六年然元
熙二年卽宋末初元年

西晉

始武帝乙酉受禪卽位終愍帝丙子四帝凡五十二年爲僞漢劉聰所滅元帝中興

世祖武皇帝姓司馬名炎字安世河內溫縣人楚漢間司馬邛之後十三世而生祖懿爲漢丞相文學掾尋轉主簿魏受禪以爲尚書封安國鄉侯後遷太尉丞相加九錫伯師嗣爲大將軍錄尚書事廢齊王立高貴鄉公無子父昭嗣位弒高貴鄉公立陳留王封晉公進爵爲王魏咸熙二年乙酉十二月武帝受魏

禪卽皇帝位建元太始追尊祖懿爲高祖宣皇帝伯師爲景皇帝父昭爲太祖文皇帝叔父孚爲安平獻王承魏土德以金德王都洛陽平吳混一改元者三太始十咸寧五泰康十一在位二十五年宣帝九子五女景帝文帝平原王幹汝南文成王亮琅琊王仙清惠亭侯京扶風武王駿梁孝王肱趙王倫文帝九子武帝齊獻王攸樂安平王鑿樂平王延祚燕王機城陽哀王兆遼東悼惠王定國

廣漢殤王廣德皇子末祚女一京兆公主武帝二十六子毗陵悼王軌惠帝楚隱王瑋長沙厲王乂成都王穎秦獻王東城陽懷王景東海冲王祗始平哀王裕淮南忠壯王允代哀王演新都懷王該清河康王遐汝陰王謨吳孝王晏渤海殤王恢陽城殤王憲汝陰王詡濟陽王虔懷帝餘六人蚤夭女營陽長公主恒山公主長廣公主襄城公主平陽公主新豐公主陽平公主武安公主秦康十一年

庚戌四月崩謚法剛強直遂曰武葬峻陽陵

孝惠皇帝名衷武帝第二子庚戌五月卽位改

元者七末熙一元康九末康一末寧一太安

二末興二元熙一在位一十七年帝爲人慙

駮不慧賈后肆虐八王吞并卒爲東海王越所酖子一愍懷太子適賈后廢爲廬陵王葬害之女四河東公主臨海公主始平公主哀

獻皇女謚法柔質慈民曰惠葬太陽陵

汝南文成王亮字子翼宣帝第四子少

有才用武帝踐祚封扶風王徙汝南帝臨終徵之輔政爲楊駿所排駿誅以爲太宰錄尚書事賈后使楚王瑋矯詔殺之瑋尋被誅乃復亮爵位子五粹矩羨宗熙

楚隱王瑋字彥度武帝第五子初封始平郡王徙封楚武帝崩誅楊駿有功好立威與亮瓘不協賈后誘使夜攻殺亮瓘因聽張華計以誅二王爲瑋罪誅之

趙王倫字子彝宣帝第九子初封琅琊郡王

改封趙刑賞失中氏羌叛徵還京師深交賈郭詔事中官得爲右衛將軍永康元年賈后殺太子遹倫矯詔廢后誅賈謚裴頠等自爲相國加九錫倫素庸下政事一聽於孫秀永寧元年遂廢惠帝而篡位改元建始以秀爲相國同謀者皆越次封爵貂蟬盈坐齊王問成都王穎河間王顥起兵誅倫兵未至王輿攻殺秀逐倫還第迎惠帝復位賜倫以金屑苦酒飲而死其黨皆

伏誅

齊武閔王冏字景治獻王攸之子少稱仁惠好振施元康中領左軍將軍與倫廢賈后孫秀出爲平東將軍假節鎮許昌倫篡起兵合成都河間移檄天下及王與廢倫誅秀惠帝反正乃率衆入洛拜大司馬加九錫輔政專權自恣淫虐無度成都河間二王將起兵誅冏以長沙王乂爲內主冏襲乂乂卽馳入宮發兵奉天子攻冏殺之

長沙厲王乂字士度武帝第六子武帝崩乂時年十五孺慕過禮初拜步兵校尉瑋誅以同母貶爲常山王之國爲人開朗果斷才力絕人虛心下士聞三王舉義率國兵赴之拜左軍將軍齊王冏專權乂誅之河間成都來伐詔以乂爲大都督以距之斬獲無數戰久糧乏未嘗虧奉上之禮東海王越慮事不濟與張方收乂殺之

成都王穎字章度武帝第十六子初爲平北

將軍鎮鄴倫篡位齊王冏起兵穎與之合
倫誅見冏專恣卽奉身還鄴詔進位大將
軍兼太尉冏敗遙執朝政憚長沙王又在
內遂與河間檄又伐京都殺又自立爲皇
大弟丞相如故乘輿服御皆遷於鄴左衛
將軍陳眕奉天子率衆討之敗於蕩陰矢
及乘輿侍中嵇紹死之穎遂挾帝幸鄴改
元建武生殺自己河間王率兵廢穎歸藩
詔收捕之穎丘太守馮嵩執送鄴范陽王

彪幽之後爲其長史劉輿所殺

河間王顥字文載安平獻王孚孫大原烈王
瓌之子少有清名輕財愛士初襲父爵改
封河間趙王倫篡位二王起兵顥初與倫
合聞二王兵盛乃應之倫誅進位侍中太
尉後又與成都王穎檄長沙王又討齊王
冏冏敗又攻又又死顥爲太宰天子伐穎
顥遣張方救穎方劫天子歸洛陽掠府庫
焚宗廟又逼幸長安東海王越唱義奉迎

車駕顛斬方首以徇復變計戰敗逃回東
軍入長安大駕旋詔徵顛爲司徒南陽王
模遣將梁臣於新安雍谷車上扼殺之

東海孝獻王越字元超高密王泰次子初爲
騎都尉討楊駿有功遷輔國將軍封東海
王成都攻長沙殿中諸將逼越啓惠帝收
乂事定越遜位不許帝北征越爲大都督
軍敗奔還東海及顛劫帝西幸越唱義破
顛入關迎帝反洛陽詔以爲太傅錄尚書

事惠帝中毒而崩懷帝卽位委政於越及
親萬機越不悅求出遂出鎮許昌專擅威
權大失衆望請討石勒州郡携二遂憂懼
成疾未嘉五年卒於項還葬東海爲石勒
追及之剖柩出其骨而焚之盡殺其衆

孝懷皇帝名熾武帝第二十五子初封豫章郡
王宗室構禍不交世事專以史籍爲玩因得
立爲皇太弟元熙元年丙寅十一月惠帝崩
卽位改元永嘉在位六年僞漢劉聰來伐城

陷出幸長安爲追及之執送平陽聰以帝爲
會稽公七年正月使帝青衣行酒侍中庾珉
號哭帝遂遇害謚法慈仁短折曰懷

孝愍皇帝名鄴武帝孫吳孝王晏之子初繼秦
獻王東襲封秦王及洛陽傾覆避難滎陽其
舅荀藩荀組與衆奉爲皇太子永嘉七年癸
酉懷帝遇害遂卽位改元建興以琅琊王睿
爲左丞相都督陝東南陽王保爲右丞相都
督陝西在位四年丙子十一月僞漢劉聰來

伐帝率羣臣出降遂如平陽聰以帝爲懷安
侯明年劉聰出獵使帝戎服執戟前導又使
洗爵行酒執蓋晉臣多感傷而泣尚書郎辛
賓抱帝慟哭遂并帝爲聰所害謚法在國遭
憂曰愍

東晉

始元帝建武元年丁丑終恭帝元熙二年庚
申十一帝凡一百零四年宋劉裕滅之

中宗元皇帝名睿宣帝曾孫琅琊恭王覲之子

年十五嗣位琅琊王末嘉元年與西陽汝南
南頓彭城五王渡江父兄裹糧而歸之遂據
有建業而都焉丁丑承詔改元建武一年愍
帝遇害戊寅三月卽皇帝位建元太興四年
改永昌一年共在位六年承西晉以金德王
都建業子六明帝琅琊孝王哀東海哀王冲
武陵威王晞琅琊悼王煥簡文帝女尋陽公
主南康公主謚法始建國都曰元葬建平陵
按晉書元帝本紀云初玄石圖有牛繼馬後

故宣帝深忌牛氏遂爲二榼共一口以貯酒
焉帝先飲佳者以毒酒酖其將牛金而恭王
妃夏后氏竟通小吏牛氏生元帝亦有符云
肅宗明皇帝名紹元帝長子幼聰哲辯日長安
近遠元帝甚愛之癸未卽位改元太寧在位
三年子二成帝琅琊王嶽女一南康公主謚
法譖慙不行曰明葬武平陵

顯宗成皇帝名衍明帝長子丙戌卽位年五歲
改元者二咸和九咸康八在位十七年子二

歷代考 五卷 九
琅琊王丕東海王奕以尚在襁褓故立琅琊
王嶽謚法安民立政曰成葬興平陵

康皇帝名嶽成帝同母弟初封琅琊王成帝不
豫庾冰請以爲嗣癸卯卽位改元建元在位
二年子穆帝謚法溫柔好樂曰康葬崇平陵
孝宗穆皇帝名聃康帝子乙巳卽位年三歲太
后臨朝改元者二永和十二升平五在位十
七年無子女餘姚公主謚法布德執義曰穆
葬永平陵

哀皇帝名丕成帝長子初封琅琊王穆帝崩皇
太后立之壬戌卽位改元者二隆和一興寧
三在位四年餌方士藥中毒崩無子謚法蚤
孤短折曰哀葬安平陵

帝奕哀帝同母弟初封東海王丙寅卽位改元
太和在位五年桓溫欲爲伊霍之舉誣帝夙
有痿疾三子皆非其出竇倫敗度廢爲海西
公帝深慮禍酣酒耽色有子不育屈辱以保
天年

太宗簡文皇帝名昱元帝少子幼而岐嶷郭璞知其必興晉祚初封琅琊王徙會稽桓溫廢帝奕而立之辛未卽位改元咸安在位二年子七會稽思世子道生臨川獻王郁武帝會稽文孝王道子皇子俞生朱生天流蚤夭女鄱陽公主新安公主晉陵公主武昌公主謚法平易不訾曰簡慈惠愛民曰文葬高平陵烈宗孝武皇帝名曜字昌明簡文帝第三子癸酉卽位年十一歲太后臨朝改元者二寧康

三太元二十一在位二十四年時張貴人有寵年幾三十帝戲謂曰汝以年當廢矣貴人怒因帝醉以被蒙帝而弑之子二安帝恭帝謚法剛強直理曰武葬隆平陵

安皇帝名德宗武帝長子丁酉卽位改元者三隆安五元興三義熙十四在位二十二年元興二年冬十一月桓玄廢帝爲平固王遷於尋陽入建康宮篡位改元永始國號楚義熙元年劉裕誅之帝復位帝不慧自少及長口

不能言雖寒暑之變亦無以辯初簡文帝見識云晉祚盡昌明及武帝在孕李太后夢神人謂曰汝生男以昌明為字及產東方始明因字焉簡文帝後悟乃流涕及劉裕將謀禪代見識云昌明之後有二帝遂密使王韶之縊弒帝而立恭帝以應之謚法好和不爭曰安葬休平陵

恭皇帝名德文武帝次子初封琅琊王己未即位改元元熙在位二年庚申五月劉裕篡位

逼帝下禪帝欣然從之封帝為零陵王永初二年復使人弒之謚曰恭皇帝葬中平陵晉亡

謹按晉起武帝太始乙酉至元順帝至正丁未共計一千一百零三年

晉僭位改元十六國

二趙四燕三秦五涼夏蜀

前趙

始西晉惠帝永興元年甲子終東晉成帝咸和四年己丑三主凡二十六年後趙石

勒滅之此五胡亂華之首

漢

劉淵字元海新興匈奴人冒頓之後末興元年自稱大單于據離石左國城國號漢即皇帝位都平陽建元元熙四年改末鳳一河瑞一共僭位六年偽謚高祖光文皇帝淵長子和嗣立一月欲誅四王為弟聰所弑

劉聰淵第四子懷帝末嘉四年立改元者四

元興一嘉平四建元一麟嘉二僭位八年

子二十二會稽王忠以下俱中失火焚

死

劉燦聰之子立一月改元漢昌為靳準所殺

劉氏男女無少長皆斬東市發淵聰塚斬

尸焚其廟

趙

劉曜聰之族子討靳準誅之元帝太興元年

立徙都長安改元光初改漢國號曰趙僭

位十二年自將伐石勒圍金墉陳於四

因醉為其所擒趙亡

後趙

始東晉元帝太興元年戊寅終穆帝永和七年辛亥七主凡三十三年冉閔滅之此五胡亂華之從

石勒字世龍初名匍上黨羯人匈奴別部羌渠之胄晉惠帝太安中爲郡盜歸劉淵封平晉王元帝太興元年自稱趙王據襄國十年滅前趙都臨漳成帝咸和三年遂卽帝位建元太和二年改建平四年共僭位

十六年僞謚明皇帝十三子冉閔殺五人八人自滅

石弘勒第二子咸和九年立改元延熙僭位一年爲勒從弟虎所殺

石虎字季龍勒父養子咸康元年弒弘自立遷都鄴稱居攝趙天王改元者二建武十四太寧一僭位十五年僞謚武皇帝

石世虎嫡子劉曜女劉后所生穆帝永和六年立二月庶兄遵廢爲譙王尋弒之

石遵虎庶長子弒弟世自立六月為弟鑒所弒

石鑒虎少子弒兄遵自立四月改元青龍為虎養子石閔殺之并殺石虎三十八孫盡滅石氏殺胡羯二十萬餘人

石祇石虎族子石鑒遇害末和七年即位於襄國改元末寧一年冉閔伐之為其將劉顯所弒後趙亡

魏冉閔字末曾魏郡內黃人石虎養子冒姓石氏驍勇絕倫末和六年殺石鑒而自立稱武悼天王復姓冉國號魏改元末興僭位三年前燕慕容雋滅之魏亡

前燕

始西晉武帝太康六年乙巳終東晉廢帝太和五年庚午四主凡八十六年前秦苻堅滅之此亦五胡亂華之一

慕容廆小字奕洛瓌昌黎鮮卑人其先有熊氏之苗裔世居北夷號曰東胡後為匈奴

所敗分保鮮卑山因以爲號以慕容爲氏
初居遼西父涉歸爲鮮卑單于遷邑於遼
東虜繼立自稱鮮卑大單于晉元帝封爲
遼東公據鄴共僭位四十九年僞謚武宣
皇帝

慕容皝虜第三子長兄翰次兄仁皝以成帝
咸和九年立稱燕王七年遷龍城僭位十
五年僞謚文明皇帝

慕容皝第二子穆帝永和五年立三年僭
皇帝位建元元璽五年改光壽四年共僭
位十一年僞謚景昭皇帝

慕容暉皝第三子升平四年立改元建熙僭
位十一年降於苻堅後爲其所殺前燕亡

後燕

始東晉孝武帝太元八年癸未終安帝義
熙二年丙午五主凡二十四年北燕馮跋
與高雲篡而滅之

慕容垂字道明皝第五子雋封爲吳王與慕

容評相忌奔秦仕苻堅堅寇晉敗復歸燕
太元八年慕容冲稱尊號於阿房乃改元
更始慕容末稱尊號於上黨改元中興垂
乃自稱燕王都中山建為燕元三年即皇
帝位改元建興十年共僭位十三年偽謚
成武皇帝

慕容寶垂第四子太元二十一年立乃改元
末康僭位三年為蘭汗所弑偽謚惠愍皇
帝

慕容盛寶庶長子安帝隆安三年誅蘭汗即
位改元建平一長樂一僭位二年禁中夜
驚暗中為賊刺死偽謚昭武皇帝

慕容熙垂之少子初與丁太后通故得立隆
安五年改元光始僭位六年溺愛苻后因
自送葬焉跋高雲據國叛熙攻之敗隱林
中為其所得弑之偽謚昭文皇帝後燕亡
大無
高雲字子雨慕容寶之養子祖父高和句
驪之支庶安帝義熙二年弑熙自立復姓

高氏國號大燕改元正始僭位二年爲倖
臣離班桃仁所弑僞謚惠懿皇帝國亡

南燕

始東晉安帝隆安四年庚子終義熙六年
庚戌二主凡十一年晉劉裕滅之

慕容德字玄明皝少子初暉封爲范陽王後
寶以爲丞相冀州牧隆安四年遂自稱燕
王入青齊據廣固建元建平僭位五年僞
謚獻武皇帝

慕容超德兄北海王納之子義熙元年立改
元太上僭位六年劉裕伐之執送建康斬
之南燕亡

北燕

始東晉安帝義熙四年戊申終宋文帝元
嘉十二年乙亥二主凡二十八年後魏太
武滅之

馮跋字文起長樂信都人其先畢萬之後跋
與高雲殺慕容熙推雲爲主雲遇弑衆推

跋卽天王位據昌黎建元太平僭位二十三年

馮弘跋之弟殺跋子翼宋文帝元嘉八年自立改元太興僭位五年爲魏太武所滅弘奔高麗後見殺北燕亡

前秦

始東晉穆帝永和六年庚戌終孝武帝太元十九年甲午七主凡四十五年後秦姚興滅之此亦五胡亂華之一

苻洪字廣世略陽臨渭氏人其先有扈氏苗裔世爲西戎酋長家池中生蒲長五丈五節如竹因以爲氏本爲蒲洪晉永和嘉中據方頭降石虎得都督關中以識文草付應王改姓苻永和六年自稱三秦王僭位一年爲麻秋所醜僞謚惠武皇帝

苻健洪第三子誅麻秋嗣位永和七年入關都長安稱帝建元皇始僭位四年僞謚明皇帝

苻生健第三子末和十一年立改元壽光自幼無賴生瞽一目及卽位刑虐暴戾僭位二年苻堅弑之僞謚厲王

苻堅字末固洪少子雄之子健之姪升平元年自立稱大秦天王信任王猛削平諸國大舉寇晉敗於淝水歸長安爲慕容冲所攻奔五將山姚萇獲而殺之改元者有三末興二甘露六建元二十一僭位二十八年僞謚宣昭皇帝

苻丕堅長庶子孝武帝太元十年稱帝於晉陽改元太安僭位一年爲晉將馮該所殺苻登堅族孫太元十一年稱帝於隴東改元太初僭位八年後與姚興戰敗爲其所殺苻崇丕之子太元十九年稱帝於湟中改元延初僭位一年爲涼王乾歸所殺前秦亡

後秦

始東晉孝武帝太元九年甲申終安帝義熙十三年丁巳三主凡三十四年晉劉裕

滅之此亦五胡亂華之一

姚萇字景茂赤亭羌人其先有虞氏苗裔舜有少子封於西戎世爲羌酋父弋仲劉曜時爲平西將軍後石虎封爲六夷大都督有四十二子萇第二十四末和七年降晉封高陵郡公第五子襄襲職後爲苻堅所殺萇仕堅爲龍驤將軍太元九年堅敗弒堅據長安稱秦王建元白雀二年改建初八年共僭位十年僞謚武昭皇帝

姚興萇之長子太元十九年立改元者有二皇初五弘始十七僭位二十二年僞謚文

桓皇帝

姚泓興之長子安帝義熙十二年嗣立改元末和僭位二年降於劉裕執送建康斬之後秦亡

西秦

始東晉孝武帝太元十年乙酉終宋文帝元嘉八年辛未四主凡四十七年夏赫連

歷代考
定討滅之

乞伏國仁隴西鮮卑人父司繁降苻堅使鎮
勇士川仁嗣位太元十年堅敗據金城自
稱宛川王建元建義僭位三年僞謚宣烈
王

乞伏乾歸國仁之弟國仁子公府幼故國人
立之太元十三年立稱河南王改元太初
二十年爲秦所敗逃奔降秦義熙三年復
歸國明年改元更始僭位三年共二十三

年僞謚武元王

乞伏熾盤乾歸長子初爲秦所敗質於利鹿
孤逃歸降秦與父同歸國義熙七年立改
元者二末康八建弘九僭位一十七年
乞伏慕末熾盤子宋元嘉五年立改元末弘
僭位四年赫連定滅之西秦亡

前涼

始西晉惠帝末寧元年辛酉終東晉孝武
帝太元元年丙子九主凡七十六年前秦

苻堅滅之

張軌字士彥安定烏氏人漢張耳十七世孫
惠帝末寧元年為涼州刺史因據之懷帝
拜為涼州牧西平公在位一十二年謚武
公

張寔軌之子愍帝建興元年嗣位為涼州牧
因誅妖賊劉弘為帳下人所殺在位六年
謚昭公

張茂軌次子太興二年立猶稱建興年
號臨終執姪駿手泣謂曰我家世世忠順
汝其勉之在位五年謚成公

張駿寔之子明帝太寧三年立自稱涼王在
位二十二年謚文公

張重華駿之子穆帝永和三年立
在位九年謚昭公

張曜靈重華之子年十歲立伯父祚性傾巧
與侍臣趙長矯令輔政又與曜靈母馬氏
通曜靈立二月廢為涼寧侯尋殺之

張祚駿之子末和十一年立始稱帝改元不稱建興四十二年乃建元和平僭位一年宗人璿瑒率兵誅殺之

張玄靚重華次子末和十二年立年十四歲廢和平年號猶稱建興在位九年天錫弑之而自立謚冲公

張天錫駿少子玄靚叔父哀帝興寧三年立
在位十二年戰敗降於苻堅堅敗復歸晉
詔以爲西平公終焉前涼亡

後涼

始東晉孝武帝太元十一年丙戌終安帝元興二年癸卯四主凡十八年後秦姚興滅之

呂光字世明略陽氐人父婆樓佐命苻堅爲太尉光生兩目重瞳子左肘有肉印以滅燕有功封都亭侯後爲苻堅滅西域還涼州聞堅遇弑遂據姑臧太元十一年自稱涼州牧涼王遂卽帝位建元太安三年改

麟嘉五年又改龍飛五年僭位一十三年
為沮渠蒙遜所殺偽謚懿武皇帝

呂紹光嫡子安帝隆安三年立僭位一年庶
兄纂攻之自殺偽謚隱王

呂纂光庶長子初為太原公隆安四年立改
元咸寧僭位二年弟寶之子超弒之偽謚
靈皇帝

呂隆光弟寶之子安帝元興元年與弟超弒
纂代立改元神鼎僭位二年降於姚興後

涼亡

南京

始東晉安帝隆安元年丁酉終義熙十年

甲寅三主凡十八年西秦乞伏熾盤滅之

禿髮烏孤河西鮮卑人與後魏同祖事呂光
為廣武郡公安帝隆安元年據廣武自稱
西平王建元太初僭位三年偽謚武王

禿髮利鹿孤烏孤弟隆安四年立改元建和
稱河西王僭位二年偽謚康王

禿髮儁檀利鹿孤弟安帝元興元年立稱涼
王改元者二弘昌六嘉平七僭位十三年
為乞伏熾盤所殺南京亡

西涼

始東晉安帝隆安四年庚子終宋少帝景
平元年癸亥三主凡二十四年北涼沮渠
蒙遜滅之

李暠字玄盛小字長生隴西成紀人漢李廣
十六世孫父遺腹生暠北涼王段業以暠

為燉煌太守隆安四年六郡推為秦涼二
州牧涼王據燉煌酒泉遂稱藩於晉建元
庚子五年改建初八年共僭位十三年謚
武昭王即唐之始祖

李歆暠第二子安帝義熙八年立改元嘉興
僭位九年違衆伐沮渠蒙遜兵敗為其所
殺

李恂歆之弟宋武帝永初二年據燉煌稱涼
州牧改元永建僭位二年為沮渠蒙遜所

滅西涼亡

北涼

始東晉安帝隆安元年丁酉終宋文帝元嘉十六年巳卯三主凡四十三年後魏滅之

段業初爲建康太守隆安元年沮渠蒙遜臨松廬水胡人起兵據張掖推業爲涼州牧涼王建元神璽二年改天璽僭位四年爲沮渠蒙遜所殺

沮渠蒙遜其先世爲匈奴左渠以官爲氏見晉亂有據立之意恐人不從以業爲陳吳隆安五年弒業自立遷於姑臧稱西河王改元者三末安十二玄始十四承玄三僭位三十三年

沮渠牧犍字茂虔蒙遜之子宋元嘉十一年立改元末和僭位六年爲魏太武所滅北涼亡

夏

始東晉安帝義熙三年丁未終宋文帝元
嘉八年辛未三主凡二十五年後魏滅之
赫連勃勃改名屈丐匈奴右賢王去卑之後
劉淵族也父衛辰與魏戰敗被殺爲人執
送秦姚興以爲持節安北將軍義熙三年
遂據朔方稱王北人謂父爲鮮卑母爲鐵
弗勃恥以母姓爲劉改稱赫連氏建國號
曰夏建元龍昇六年改鳳翔五年滅秦卽
帝位改元昌武三真興六共僭位二十年

赫連昌勃勃之子宋元嘉四年立改元承光
僭位一年爲後魏所擒

赫連定昌之弟宋元嘉五年立改元勝光僭
位四年因擊北涼爲吐谷渾執送後魏太
武殺而滅其國夏亡

後蜀

始西晉惠帝太安二年癸亥終東晉穆帝
永和三年丁未五主凡四十五年晉桓溫
滅之

成李特字玄休巴西宕渠人晉武帝太康中關西亂特隨流人寄食蜀漢太安二年遂據益州稱益州牧建元建初僭位一年僞謚景皇帝


李雄特第三子惠帝永興元年稱成都王改元者三建興三晏平五王衡二十四僭位三十二年卒立兄子班班夜哭於殯宮雄子越越而立弟期

李期雄第子子成帝咸康二年立改元王恒僭位三年叔壽廢為邛都縣公自縊死

漢李壽雄之弟咸康五年弒期自立改國號曰漢改元漢興僭位五年僞謚昭文皇帝李勢壽之長子康帝建元二年立改元者二太和二嘉寧二僭位四年降於桓溫封為歸義侯後蜀亡

歷代帝王曆祚考卷之五終





正德